

Headline	TNB peruntuk capex RM9.5 bilion tahun ini		
MediaTitle	Kosmo		
Date	15 May 2019	Language	Malay
Circulation	155,996	Readership	467,988
Section	Niaga	Page No	45
ArticleSize	339 cm <sup>2</sup>	Journalist	N/A
PR Value	RM 26,494		



# TNB peruntuk capex RM9.5 bilion tahun ini

**KUALA LUMPUR** – Tenaga Nasional Bhd. (TNB) memperuntukkan perbelanjaan modal (capex) berjumlah RM9.5 bilion bagi tahun kewangan berakhir 31 Disember 2019 berbanding RM12 bilion tahun sebelumnya.

Ketua Pegawai Kewangan TNB, Nazmi Othman berkata, syarikat memperuntukkan jumlah lebih kecil berikutan projek loji Jimah East Power (JEP) dijangka memulakan operasi pada tahun ini.

Menurut beliau, daripada jumlah tersebut sebanyak RM6 bilion akan dibelanjakan untuk bahagian grid manakala RM2.5 bilion lagi akan digunakan bagi penjana elektrik.

“Baki daripada kedua-dua perbelanjaan tersebut untuk tenaga boleh diperbaharui, pengembangan meter pintar termasuklah bagi jalur lebar optik fiber yang mana diunjurkan berupaya memberi sumbangan kepada kumpulan menjelang tahun hadapan.

“Sebahagian besar daripada RM2.5 bilion bagi perbelanjaan penjana elektrik telah diperuntukkan untuk loji JEP di Melaka dan Southern Power Generation di Pasir Gudang, Johor yang dijangka beroperasi menjelang 2020,” katanya.

Beliau berkata demikian pada sidang akhbar selepas Mesyuarat Agung



LEO MOGGIE (tengah) bersama Amir Hamzah (kiri) dan Nazmi menunjukkan Laporan Tahunan Bersepadu TNB selepas AGM TNB di MITEC, Kuala Lumpur semalam.

Tahunan (AGM) TNB di Pusat Pameran dan Dagangan Antarabangsa Malaysia di sini semalam.

Turut hadir Pengerusi TNB, Tan Sri Leo Moggie serta Presiden dan Ketua Pegawai Eksekutif TNB, Amir Hamzah Azizan.

Sementara itu, Amir Hamzah ketika

diminta mengulas mengenai kenaikan bersih tarif elektrik berkata, ia hanya akan dapat diputuskan selepas kajian dilakukan.

“Pada masa yang sama, TNB akan terus melaksanakan mekanisme Ketidakseimbangan Pelepasan Kos Bahan Api,” katanya.